

accepta Transmissio nihil ferè aliud est, quàm successio primordialis, sive vocatio, qua obtingit vel à Lege, vel à Testatore, & Transmissarius est ipse vocatus, defuncti heres primus, Transmittens verò est ipse defunctus. Ita actiones, quæ & activè & passivè, b. e. & ad heredes, & in heredes transeunt, item privilegia causæ ad heredem transmitti dicuntur L. 169. D. de reg. jur.

6. Strictissimè denig, considerata Transmissionis vocula, uti & hic à nobis considerabitur, Translationem successionis denotat legalem secundariam, b. e. eam, quæ fit ab herede defuncti in heredem, ut ita Transmittens sit heres ante hereditatem acceptatam mortuus, Transmissarius verò sit heredis illius heres. Et hoc modò sumpta Transmissio differt à Vocatione, tum ratione causæ efficientis, tum respectu subiecti,

7. Ratione causæ efficientis proximæ, ideò differentiam inter hæc duo vocabula agnosco, quòd nempe Vocatio fiat vel ab ipso Testatore defuncto, vel à lege immediatè; Transmissio verò fiat ab ipsius herede, vel testamentario, vel legitimo. Hinc vocatus succedit jure proprio ex propria sua persona, & succedit ipsi defuncto Testatori immediatè: Transmissarius autem succedit jure alieno, ex persona transmittentis heredis, & succedit accuratè ac propriè loquendo non ipse Testatori; sed heredi tanquam heres Transmittentis. Ex quibus simul patescit, qui vocatio à Transmissione discriminetur ratione subiecti, nimirum hoc illius esse heredem defuncti, hujus verò heredis heredem.

8. Synonymorum vocula Transmissionis cara est annona. Nam quantum mihi observare licuit, vocabulum duntaxat transferre usurpari video pro transmittere in L. 81. D. de acquir. vel omitt. hereditate.

9. Definitioni Nominali succedit Realis, quam talem Nicolaus Noalis ex Baldo Vasquio & Gometzio proponit in suo de transmissione tractatu pag. 2. Transmissio est quædam successionis prorogatio, ejusdem formæ & naturæ. Ab alio quoq, ita meminisse definitam esse Transmissionem, quod sit successionis ejusdem juris ac naturæ ex Testamento vel ab intestato ad suos, vel extraneos prorogatio. Neutra si verum dicere verum est mihi sapit, nec sapiet, cui petus sapit, cum utraq, peccet contra Logicorum regulas. Quapropter ita placet describere Transmissionem, quod sit successionis primordialis